

Conclus davart la fusiun dil fond da stipendis da teologia cun il fond da stipendis Pianta

Prius dil Corpus catholicum ils 23 da november 1971

I.

1. Il fond da stipendis da teologia vegn unius cun il fond da stipendis Pianta ad in sulet fond da stipendis dalla Baselgia catolica dil Grischun.
2. Quei fond da stipendis ha per intent da sustener scolars catolics da scola media che habiteschan el cantun Grischun sco era students grischuns da teologia el seminari da spirituals ni a scolas aultas d'ordeifer cun conceder stipendis ord il recav dil capitai dil fond.
3. L'administraziun dil fond da stipendis e la repartiziun dils stipendis vegn confidada alla Cumissiun administrativa che ha da presentar mintga onn il quen dil fond per approvaziun al Corpus catholicum cun ina cuorta orientaziun davart ils stipendis concedi.
4. La Cumissiun administrativa vegn incaricada dad exequir quei conclus. Ella ha il dretg da relaschar ulteriuras prescripziuns ni directivas en connex cun l'execuziun.
5. Quei conclus va en vigur cun il quen 1971/72 dil Corpus catholicum. El medem temps vegn igl uorden da stipendis sur dil fond da stipendis da teologia dils 18 da zercladur 1845 annullaus.

II.

1. Il quen per il "fond da scola" (facultad da scola)¹ e la "facultad libra" vegnan ad interim menai ella fuorma d'entochen cheu.
2. Communicaziun alla Cumissiun administrativa, -alla administraziun dalla cassa e per ils acts dil Corpus catholicum.

¹ Cun conclus dalla Cumissiun administrativa dils 13 da mars 1972 ei il "fond da scola" vegnius sligiaus si e la schinunnada facultad da scola ei vegnida transferida el fond da stipendis dalla Baselgia catolica dil Grischun; cfr. protocol dil Corpus catholicum dils 23-11-71 pag. 6/7 e protocol dalla Cumissiun administrativa dils 13-3-72 pag. 7/8.